









DE NOVA

CHRISTIANI ORBIS

PACE

ORATIO.



5. 20. P. 15.

BIBLIOTECA NAZ.
ROMA
VITTORIO EMANUELE

Romæ apud Antonium Bladum Asulanum.

M, D, XLIIII,



DE NOVA

CHRISTIANI ORBIS

PAGE

ORATIO.



THE UNIVERSITY OF CHICAGO

LIBRARY



D E N O V A

C H R I S T I A N I O R B I S

P A C E

O R A T I O.



HODIE Nobis illuxit dies
 felicissimus, Pater Beatissime,
 in quo omnipotenti Deo, pru-
 dentia^q, et vigilantia^q Sancti-
 tatis tuæ æquum est, nos acce-
 ptum referre, quòd vivimus,
 quòd spiramus, quòd ex diuturnis emersi tenebris, lu-
 ce, et liberiore vita perfruimur. Effulget iam splendor:
 vere matutinus, disiectæ sunt caligines. ab oculis
 Christianorum Principum, tandemq^q depulsæ sunt
 errorum nebulæ. Pace nunc demum inter ipsos com-
 posita, qua non modò ij, quibus natura sensum de-
 dit, sed etiam tecta, atq^q agri mihi latari videntur.
 Non amplius Tabarum clangores ferient aures ca-
 lamitosarum gentium: Non tormentorum bellicorum
 sonitus ille horribilis & execrandus, urbium &
 oppidorum mœnia quatiet, diruet, ac prosternet.
 Frustra tu quidem antea nitebaris optime PAV-



LE, Oecumenicum illud Concilium, nostræ adeo
saluti uile, et necessarium congregare, impeditis pas-
sim itineribus, Marte undiq; furente, et debacchan-
te. Nihil sanctum, nihil tutum erat: Non poteratq;
non admittre iustissimas absentium, atq; illi interes-
se debentium, excusationes. At mores corrigendi
erant, sed obstabat bellum: Hæreses quoq; extir-
pandæ, obstabat bellum: Aduersus immanissimos
Tarcas deternenda expeditio, obstabat bellum. De-
nique uti ad patranda scelera omnia, aptum erat
bellum, sic ad bona peragenda, aduersabatur bellum.
Cumq; ob id ipsum bellum Respublica nostra Chri-
stiana ad extremum prope deuenisset interitum, tu
tamen PAVLE, forti, imperterritoq; animo, nunq;
tui muneris quicq; præternuisti, neque te unquam
nutantem, aut de pace penitus desperantem uidi-
mus. Sciebas enim (quæ tua est diuinitus infusa pru-
dentia) cum semina illa firmandæ pacis tanto stu-
dio iaciebas, ea quandoq; maturam ad frugem per-
uentura, teipsum, qui tot lacrymis, tot laboribus,
ea seminaueras, cum exaltatione plenos aliquando
reporaturum manipulos: Cæterum ad ipsos, qui
adeo inter se dissidebant, Principes, mea nunc de-
currit oratio: perinde ac si illi quoq; adessent in hoc tam
celebri, tamq; festo die. Dum hæc gratæ Deo præ-

potenti, atq; illibata Virgini, qua possumus facultate, & viribus, aguntur.

A TE igitur CAROLE Maxime, Imperator Auguste, nallis præludijs, nulloq; dicendi artificio, quamprimum exordior. Omnes homines, qui de te cogitant, non temerè putant, tibi supra mortalitatem tuam tributa omnia. Teq; dijs immortalibus simillimum iudicant, dum incomparabilem in te prudentiam, tuasq; res præclarissime gestas; recto perpendunt iudicio. Cùm enim summus ad regendum sis Imperator, summi quoq; Ducis ad agendum consilium, atq; animum geris quo sit, ut te nemo sit in terris, animi magnitudine præstator, concilio prudentior, dignitate præclarior, euentu felicior, quem noua regnorum amplitudine, quem armis, quem opibus, quem fortitudine, omni iam superata inuidia, mortalium omnium longe principem, gentes omnes, populiq; consitentur.

DE TE verò FRANCISCHE Maxime, Fræcorum Rex Gloriosissime, Christianissime, Innitissime, quid dicā potius? aut vnde initium sumam? Adeo enim pfectissime sūt in te virtutes tuæ eximiae, ut vna quæq; primū sibi deponat locū: Adeo imminse, atq; innumerabiles, ut difficillimū sit, de illis dicendi exitum inuenire, quarū paucissima s̄q; adeo viget in te, bellica illa virtus, ut prisca quib; scriptoribus, ad ea celebrāda,

quæcunq; abs te, iugi memoria digna, emanarunt, solus
possis abunde sufficere. Quamobrem, cum tuâ ingentem
potentiam intuemur, tuâ magis, magis q; prædectiam per-
spicimus, tuæ felicitatis incrementum admiramur, tibi
vera in liberalitate neminem eorû, qui sunt, fuerunt ue,
conferri posse prædicamus. Tibi insuper omniû scientia-
rû, non modo cultû, et patrociniû, sed earundem quoq;
exactam notitiam diuinitus traditam esse arbitramur.
VERVM enimvero vtrinq; vestrum iam si-
mul alloquar, posteaquam Dei Optimi Maximi au-
xilio, pietate vestra, sedula q;, ac perugili Pastoris
nostri diligentia, factum est, ut vnum, atque idem si-
tis. Videte obsecro, concordissimi Principes, & vo-
biscum in animo considerate, tot, & tanta hæc vobis
cælitus collata beneficia, quæ certè scio, non vobis
modo ipsis data, sed ad vsum quoq; vniuersæ Chri-
stianorum Reipublicæ, existimatis. Illa profecto,
cum in vobis solis minime sint, verum per vos potius
ad vniuersum Orbem Christianum pertineant, si com-
municetis, in vobis quoq; splendidissima elucescent,
quod si vobis ipsis ea quodammodo vendicetis, neq; in
vobis diuinitus permanebunt, quinimmo citissime dila-
bentur, euanescent q;. Proinde, cum per ineffabilem
illam altissimi Dei misericordiam discussa sit tanta in-
ter vos priuatarum simultatum caligo, num modo ab

armis quiescendum esse censebitis : quasi verò plus proprijs debeatis affectibus , ac perturbatis animi motibus , quàm omnipotentis Dei causâ , quâ agenda superest. A quo vno felicia illa omnia , et prospera , quæ recensui ad vos emanasse non denegabitis . Perpendamus igitur , quantum misera ipsa fidelium Respublica , præsentissimo viriusque vestrum indigeat auxilio , quod quidem suo quasi iure sibi à vobis debitum reposcit. Quisnam erit unquam animo tam crudeli , tamque obdurato , ut absque redundanti lachrymarum copia recogitare valeat , Confluxisse olim ad celeberrimam illam Nicenam Synodum trecentos , et duodeviginti Præsules , Patres sanctissimos , magno assistente Constantino . Quorum omnium singulæ tunc Ecclesiæ nobilissimæ , florentissimæ , religiosissimæ habebantur , nunc ignobiles , desertæ , deturpatæ , per totum Orientem , ac uniuersam Græciam vix agnoscuntur . Quæ et sacra illorum quoque temporum suppellectili spoliata , ad omnes impiorum canum , fidei nostræ hostium , sceleratissimos , et spurcissimos usus patent . O acerbissimum spectaculum , o crudelem memoriam . Quid enim de sacratissimis illis diuorum Martyrum ossibus , tunc ibidem religiosissime collocatis actum putemus ? Non quòd illos huiusmodi tangat iniuria , qui sponte , dum vineret , sese dilaniandos pro CHRISTI nomine carni-

ficibus obtulerunt, sed uos ipsos, uos inquam ipsos,
hæc contumelia, hoc dedecus afficit, qui præclarissi-
mo cognomine isto decorati, fidem hanc sanctam pro-
fitemini, quam illi per adeptam martyrii coronam sua
morte confirmarunt, sanxerunt, adauxerunt. Quid
et commemorem panlopost eum conuentum adhuc
sexcentos alios patres integerrimos, ex ipsis nunc de-
perditis Ecclesijs Constantinopoli conuuisse? quid
deinde Ephesi? quid iterum Constantinopoli? quid
Calcedone? quid alibi in toto Oriente frequentissime?
Quod si libet magis, animum iam ad alteram Orbis
partem, quæ ad Austrum porrigitur, conuertamus:
Quantus, et qualis sanctissimorum patrum numerus
sæpe Alexandriæ, sæpissime Carthagini, nonnumquam
Hippone conuocatus est? Quæso, quis lachrymas non
effundet? cum sedes illas sanctissimas in turpissima
canum stabula intelligat esse commutatas. Iam uero
exiguum hoc Europæ nostræ spatium, quod sortiti su-
mus, prætermisso illo præclarissimo Bizantijs Impe-
rio, missa vniuersa Græcia, missa Pannonia, atque Sar-
matia, totque alijs propemodum innumeris Europæ ipsius
prouincijs, insulis, ciuitatibus: quas recenti nostræ hu-
ius tempestatis memoria, sæuissimus ille hostis subegit,
conculcauit, depredatus est: exiguum, inquam, id ip-
sum, quod nix reliquum tenere dicimur, non ne magna
ex parte

ex parte uenenoſo afflatum Satbanæ ſpiritu inre, me-
ritòq; labefactatum; atq; deperditum, et dici poteſt; et
haberi. Cum regna etiã integra (proh dolor) quæ nu-
per Chriſtianam pietatem religioſiſſimè excolebant, in
ipſius quoq; ſubdoli Satbanæ ditionem ex toto conceſſe-
runt. Sed proſectò miſerandū in modum periſſemus,
niſi aliquando conuerſa ad nos opportune Dei miſeri-
cordia PAVLV M Tertium, Põntificem Maxi-
mum gregi ſuo, iam iam perenni, præceſſet, qui dea-
rum poſt tot, et tantos terra, mariq; ſuſceptis labores,
inſperatū nauicula ſuæ fluctuanti attulit præſidium, à
beati quidē Petri miraculis nō abſimile. Nam, ut is an-
te, quā ad egrotantes propius accederet, eoſdem ſola ſui
ipſius umbra, gravibus quibuſq; morbis liberabat. Sic
et duo maximi Chriſtianorum Principes, cū acerbio-
ri agitudine vexarentur, ſola honeſtiſſimæ legationis,
ad illos PAVLI noſtri iuſſu properantis, reueren-
tiæ, quāvis eo minime pervenerit, protinus tamen libe-
rati ſunt, et ad perpetuā, conſtantemq; animi voluntas-
tem mutuo reconciliati. Ea ſunt ipſorum Principum in te
PAVLE, verum tranquillitatis nomē, pietas ſimul,
et obſervantia. Proſuerunt ad id quoq; admirabiliter, to-
ties ab hoc ipſo vero Chriſtiani gregis Paſtore, pro hac
re, publice ſuſæ preces, publicè indictæ feriæ, decretæ
vbiq; ſupplicationes. Hos itaq; recta iā incedentes viâ,

nunc omni laude, atq; solida gloria dignissimos celebremus, extollamus q; qui sanctâ ipsius Pastoris vocem, firmissimum q; propositum; pia mēte, puro affectu, syn-
cera charitate, exceperint tandem, Et comprobarint.
N V N C, quæso animaduerte, nā meo quidem iudicio minime pœnitendum est, tot, et tãta inter eos hæc-
nus extitisse belli dissidia: Durius fortasse hoc, atq; diffi-
cilius videbitur, q̃ ut cuiquam valeat persuaderi: veru-
tamen experiamur; si qua forte possit non improbabili
ratione deduci. Hostis est nobis potentissimus, grandē,
atq; selectum iugiter alens exercitum, tot fere victorijs,
quot prælijs (gemens hoc dico) exercitatum. Nullus
enim mortaliū, in tantis, et tã diuersis orbis regionibus,
adhuc illi valuit ad finē vsq; resistere, Te vnā **C A**
R O L E Maxime semper excipio: qui solus ferocis-
simos illius impetus sæpe retardasti. Nilumq; non dis-
ficili admodum ratione terra, mari q; vinci posse; vni-
uerso orbi significasti. Infortunium hoc itaq; intestinorū,
ac civilium bellorum id saltem effecit boni; ut iuuentus
omnis nostra ad virtutem bellicā excitata sit, atq; exer-
citata. Plurimi deinde constantissimi; et in bellō inui-
ctissimi Duces hinc euasere. Præterea classis maritima,
tam magis, q̃ antea consueuisset, florentissime instructa
est. Denique in vnum fere locū tot Germani, tot Gal-
li, tot Hispani, tot Itali milites, atq; Duces coacti sunt,

ut non humano magis iudicio, q̄ diuinitus tantas oppor-
tunitates, tantas opes, tantā vim strenuissimorum ho-
minum, in vñum tempus, in vñum locum, in vñā vo-
luntatem coimisse, ac sanctæ, et inuiolabilis pacis vin-
culo obstrictas esse constet. Hanc igitur occasionē
tantam, sic paratam, sic expeditam, si neglexeritis, ca-
uete, ne beneficii sui poeniteat diuinā bonitatem, quæ
ob id ipsum maxime, ut causam eius strenuè suscipe-
retis, vos in vñam conuocauit, armauit, ditauit, atque
adeo instruxit, ut fraterna ista concordia freti, Duce
tali, ac tanto Pastore, accedentibusq̄ (ut speramus)
illustrissimi Senatus Veneti, cæterorumq̄ fidelium Or-
bis Christiani Regum, Principum, Ciuitatū, totis, atq̄
immensis viribus, dubitandum minime sit, quin ad vi-
ctoriā accedatis exploratissimā, quam cum humana
quæuis ratio non denegat, diuinæ etiā bonitatis insupe-
rabile auxiliū certissimā repromittit: satis namq̄ præ-
teritis bellis declaratū est, plus fiduciæ hostem in Chri-
stianorum discordia, quam in suorum virtute, sortitu-
dinē q̄ reposuisse. Nostri enim si quando ad hanc san-
ctissimā expeditionē cōuenere, parua sæpe manu in-
gentes hostium copias fuderunt, fugarunt q̄. At verò
hostes callidissimi, non virtute, sed temporibus pugnant,
nam pulsi tantisper quiescunt, dum nos ad amentiam
nostram, ac fatalem quasi calamitatem redimus. Nec

prius a nobis ipsa, inter nos classicum cecinit, quā illi
 continuo in nostras calamitates, in nostras discordias
 impetum facientes improviso, occupatosque adoriantur;
 cum nec intra suos quidem ipsorum fines, si sese a no-
 stris tutos uix antea cōtinerent: nostra usque adeo
 in eiusmodi exteris nationes potest concordia. An non
 potuere pauci Galli unanimes manu quadam tumultua-
 ria e domo profecti; cum in Asiam peruenissent, eam
 uniuersam occupare: pacisque conditionibus, ac legibus
 toti Asiae datis locum sibi ex amplissimis, et secundissi-
 mis campis in Paphlagoniae finibus, ad habitandum de-
 ligere? Quis igitur sator si arbitremur: cum iidem ipsi
 Galli, instructis, ac longe potentioribus copiis, sub tali,
 ac tanto Rege, una cum ceteris omnibus Christiani
 Orbis acribus proficiscuntur: Et aduersus immanissi-
 mum illum hostem prorumpent, quē semper unius tan-
 tum Caesaris vires sustinuerunt, nonnunquam etiam sude-
 runt, atque in foedissimam sagam adegerunt. Quamob-
 rem cum tu PAVLE optime nulla cohortatione in-
 digcas, sisque omnia, quaecumque tunc incubunt maneri, cu-
 mulatissime praeaturus, patiare quāso, ut me rursus
 ad hanc firmissima Christianae Reipublicae robora, praecla-
 raque fidei, et religionis nostrae ornamenta conuertam.
 TV itaque iunctissime CAROLE, ne quid hanc
 opportunam, atque bonissimam expeditionem relar-

daueris , præsertim cum et Aphricanum , et Asiaticum bellum iure quodam proprio tibi debeatur : Alterum enim quasi per manus traditum est , ac relictum . Cum maiores tui , quoties cū Aphricæ populis bella gesserunt (gesserunt autem sæpissime) toties triumphalem de illis victoriam , et opima spolia reportarint : In altero tui numeris est , Orientis Imperium , alias pulcherrimum , et potentissimam , cum Occidentis Imperio coniungere , miserissimam Græciam , totq; illi finitimas prouincias , turpissimo seruitutis iugo liberare , siquidem ipse ab ingenti captiuorum , atque oppressorum numero , tanquam numen quoddam diutius exoptatum , iampridem expectaris , nec id temere profecto , quocunq; enim ueneris lux illis , et salus , et libertas uenisse uidebitur .

AT tu religioissime FRANCISCÆ , Regum tot sanguinis egregium splendorem , rerumq; toties in eiusmodi prouincia optime gestarum magnitudinem , ad memoriam reuoca . Viuunt ipsi in hominum animis , ad hanc usque diem , uiuentq; perpetuo , præclara eorū facinora marmoratis undique laudibus exornantur . Agnosce obsecro , non sine magno altissimi Dei consilio , longe lateq; patens , et amplissimum insuperabilis Galliæ Regnum , tibi uni post homines natos undequaq; integrum , tua non minus uirtute , q̃ felicitate quadam perpetua contigisse . Tunc profecto intelliges , quod optime

facis : te ingentem maiorum tuorum gloriam facile superaturum . Nulla quidem fuit vnq̃ ætas adeo stupida , nullæ adeo ingratae repertæ sunt literæ , quæ honorifica verborum cõmendatione Præclarissimorum Galliarum Regum memoriam , et propensa in Christianam Rempublicam studia , non prædicauerint semper , atque extulerint . Publica vigent Caroli Magni monumēta : Vigent Lodonici etus nominis primi : Vigent Et Philippi VALESII à quo tibi nobilissimum genus , in sempiterna propagandū secula , deductum est : Sed tamen nō modo par , verū etiam multo præclarius , et illustrius te consequetur immortale laudum tuarū præconium .

HIC Ego , prudentissimi Principes , non vestrum vtriusq̃ officium , non dignas vobis virtutes recensebo , non quæ de rei militaris scientia , aut bello gerendo præcepta traduntur , eloquar : non quibus itineribus , quibus copijs , quibus consilijs res tanta aggredienda sit , nūc aperiam . Cūm vis , facultas , diuitiæ , arma , Duces , milites , exactissima deniq̃ ipsius belli scientia , vobis non desit . Vereor præterea , ut si copiosius id explicare contēdam , ne in illam , qua Phormio Peripateticus ab Hannibale , ob hoc ipsum notatus est , reprehensionem incurram . Agite igitur Optimi Principes , agite fortissimi Duces , agite milites intrepidi , totis adeste animis , totis insurgite viribus , arma capecite . Vos ad certam , ad indubi-

talam victoriam, ad perpetuam laudem, et gloriam, ad
æternos ingentesq; triumphos properantes video. Iamq;
diem illum serenissimum, diem memorabilem; diem iu-
cundum videre uideor, quem nulla unquam delebit obli-
uio. Cùm, tantis regionum spatijs terra, mariq; emen-
fis, tandem aliquando ad sacrosanctæ Ciuitatis fines
perueniemus: eminentiaq; procul Hierosolymorum te-
cta conspiciemus: Quæ tunc occurrent diuinæ species
cælestis fidei: qui splendor: quæ olympi iam patefacti
imago: tunc certè exacti labores omnes præ tanta iu-
cunditate, atque lætitia, pro nihilo æstimabantur. Por-
rò Duces, ac milites, cæteri q; boni omnes clamoribus
sublatis Hierusalem, sanctam sæpè Hierusalem salu-
tabant. Conflagrabit studijs, urgebunt signiferos, eò
certatim pedem inferent: sua quemq; uirtus, sua pietas,
suus ardor stimulabit: nihil eis longius, nihil distantius
videbitur, quam in illis religiosissimis templis, sanctis-
simisq; delubris, corpora sternere, atque exoptatis ter-
ræ amplexibus, conceptam animo religionem satiare.
Tunc erigetur, magna omnium lætitia, hilari cantu, atq;
alacri plausu, insigne illud Crucis, sanctum, memo-
rabile, & saluiferum Vexillum, eo inquam in loco
erigetur, qui iam pridem Redemptoris nostri sanguine
conspersus, & consecratus, postea verò (sic nostra
commeruere crimina) sædissime per hostes impurissi-

mos confpurcatus, his tandem authoribus, & uindi-
cibus restituetur, ac repurgabitur. O felicem, &
semper commemorandum diem illum, o alacritatem
non antea cognitam, o gratulationem non enarrabilem,
Summe Deus, quod tunc erit gaudium? quae commu-
nis omnium hilaritas? qualis, & quantus iucundissi-
marum lachrymarum late redūdantium fluxus? quas,
cum ex ipsa tantum rei commemoratione, vix (ut vi-
deo) contineatis, quid in re ipsa futurum existimabi-
mus? Sed cum ad dicendi metam peruenierimus, nunc
eas, quæso, cobibete, & ad iucundissimum diem illum
vberius effundendas reseruate, DIXI.

ROMAE Habita, in æde Virginis supra Mi-
neruam, post Missarum solennia, ad Sanctissimum
D. N. PAVLVM Tertium, Pont.

Max. à Philippo Archinto, eius
in Vrbe Vicario. Quarto
idus Octobris.

M. D. XLIIII.









